


續輯漢陽縣志



2020.11
38
2020.12.20

葉
露
華
霜

月
初
夜
葉

續輯漢陽縣志序

漢陽於郡爲附郭邑昔號壯縣遘難以來凋殘極矣同治丙寅刺史黃君蘭丞來權茲邑下車之後綏輯燠咻剔弊撥煩不動聲色而百度維新邦以大和予適領郡倚君如左右手相得驩甚君告予謀增修邑乘予曰善亟圖之君乃首集費繼量能採訪編纂各舉其職甫及屬藁而君於去年秋移牧蘄州以去猶殷殷以屬繼任王君子泉大令期於就緒久之志告成將授劄劄君復徵序於予夫志亦史之類也顧其體互有異同其例亦

續輯漢陽縣志

序

時有變通然以舉其重且大者爲體要爾今以漢陽論之其重且大者則陷復之本末也寇作時邦人之捐軀以殉者其義烈不可沒也先後大府規畫攻取詰戎固圉城堡屯壘建置之迹也惟此三者尤爲冗雜以今采掇猶易易也過是則若拾瀋矣自軍興余以佐籌餉精往來漢濱其時事變紛紜什九皆所目擊及忝郡符又得與君隨當事後奉教令助經畫此皆早作夜思縈於念慮者然回首已不勝記憶况於閱世歷年之多且遠者哉今覽君所編輯了了如行熟路之轍而握記事之

珠也其爲賅備可知矣君於剽繁理劇日不暇給獨毅然議修志乘授之體要克蕝厥成卒如其志則君之明濟開豁才敏過人其樹功流績必馳令聞於四方也豈可量哉信乎其達於政者也能孚其志者也知道體要者也時同治七年仲秋月知漢陽府事巴陵鍾謙鈞序

續輯漢陽縣志序

今年秋八月繼勛忝權漢陽郡事值漢陽邑乘將及勒

成都人士謂繼勛前會權茲邑今復褰帷茲郡宜有所

紀述弁諸簡端自惟吏能淺薄然於茲邑事變多所稔
知誠有不能已於言者因不辭而序之曰凡治亂盛衰
之迹其已然者雖庸愚皆能言之方其治也而亂象潛
伏方其亂也而治機倏轉盛衰之循環亦然此則朕兆
根荦萌於未然非上智莫能料然皆網羅方志中可反
覆推測而得之按茲志增續上起嘉慶下迄於今聞昔
續輯漢陽縣志
序
漢上富庶甲東南是時

國家席

累朝豐亨豫大之規號爲極治且盛茲邑當舟車孔道樓榭
連雲歌鐘沸地百貨之殷阜士女之豐昌不下廣陵蘇
臺久之敝化奢麗日趨窳惰法令文具軍實不修洊以
水旱奸宄四起粵賊乃乘之首禍茲邑罹毒尤深凡經
四陷丈夫女子挺節不撓者至於沈族糜軀其餘隕鋒
鏑困俘掠與捐瘠中野者不可勝計向之都屬邑望者
旣已莽爲邱墟薦生荆棘矣然而元老上將秉鉞一呼

未有不以漢陽爲戰地者漢陽不守則鄂渚望風瓦解
形勢似較鄂渚爲更重其急而宜詳者一也前者獯豷
狂噬四罹毒燄此邦丈夫女子恥爲賊屈捐軀以殉者
將千有餘人他邑未有若是其多者下以激懦頑上以
報

朝廷使夫反側者有所惕而恢復者有所憑豈徒矜一時
之慷慨哉實可立百世之防維矣其急而宜詳者又其
一也夫成敗之往迹非後來之龜鑑乎節烈之卓行非
天壤之耿光乎舍此不錄聽其放佚與湮沒雖復數典
續輯漢陽縣志

序

二

摘華曾何當於述作之體且令來者何觀焉柏心不敏
所與諸君子討論而哀輯者大指不出乎此至分門析
類什九多沿前志因地審時惟在乎重大切要者以其
爲體要所存故也監利王柏心

續輯漢陽縣志序

同治歲丙寅

式度

權篆漢陽值瘡痍甫定政事埤遺日

不暇給退食乃取邑乘閱之其修於乾隆閒者爲劉志修於嘉慶時者爲裘志嗣是數十年未有舉者因念近自寇難以來變故頻仍且邦人抗節殉難者填委城郭川谷不及今哀輯久且湮沒是官斯土者之責也遂請於太守鍾公謀續修邑志公曰然會都人士議之僉曰然乃始募貲集事若者採訪若者編纂擇邑中耆舊才俊分任之而延比部監利王君子壽授簡載筆焉局甫

續輯漢陽縣志

序

開是年秋

式度

量移蘄州臨去以屬繼任王子泉大令

助葺其成乃心猶拳拳未嘗暫忘也閱數月脫藁開雕

矣諸君子謂此舉權輿部署皆出自

式度

以弁簡之文

見推不敢辭則序之曰盛衰剝復之機蓋有不勝慨者矣其最不可磨滅者臨難時之人心耳今夫豺狼橫噬全境燔夷而薦紳逢掖介冑草澤以至閨襜婦女之倫莫不引義慷慨誓不與賊俱生甘蹈死如飴者至累千數百人之多豈非天地綱維

國家涵養鬱然畱爲枯枿朽株之生機者耶聽其姓氏零

落泯然無傳何以伸壯烈之氣而禡亂賊之魄哉又况
先後元老重臣戰勝攻取還定安集綢繆固圉其方略
措置功施百世者茲邑爲多若置不鳩聚官斯土者疎
略之愆斯爲大矣式度所以夙夜惴惴亟謀修輯也追
惟喪亂之秋其晏安實耽毒之媒彙其子遺乃生聚之
根芽也可以憬然悟者也近推綏靖以還其威棱乃震
疊之偉略其備豫則防維之遠計也可以瞿然思者也
今幸登載略備已勒成書藉手可釋咎戾焉抑願自今
以始綏豐屢咏長優遊於

續輯漢陽縣志

序

二

盛朝熙皞之日月則上和親康樂安平爲一書可引領以俟
矣於是具書其意揭之簡端前知漢陽縣事善化黃式
度序

續輯漢陽縣志序

刺史蘭丞黃公之宰漢陽也承兵燹後事變多矣慨然謂邑乘久未增續此其最急者與都人士謀之皆曰是不容緩乃遴邑中彬雅之儒耆碩之彥或主募貲或主採訪規模既定走書幣延監利王子壽比部載筆纂次會黃公移牧蘄州瀕行適庭楨承乏于茲因諄諄屬以助葺成事閱數月修輯已竣且付刊矣諸君子謂茲舉權輿黃公至庭楨始勒成書蕭規曹隨其績一也宜有序言載厥本末乃言曰究考茲志盛衰之際何其速哉

續輯漢陽縣志

序

一

聞昔茲邑漢皋最爲殷阜地當八達之衢舟楫所萃上自三巴兩粵南楚下迄江淮西則密邇荆襄商舶連檣幾於遏雲礙日百貨充牣摩肩擊轂其民之重堂邃宇漿酒臠肉酣嬉歌舞與齊臨菑趙叢臺東南之維揚金閨相競無何粵逆之亂作於倉卒鄂未覆而沔先陷至淪沒者四焉昔日之穠華都麗歸於燔夷漸滅矣今雖還定安集然子遺餘黎會不逮什之三四彌望皆瓦礫荆棘也蓋茲邑之衰于是爲極然庭楨則以爲此由亂而治由剝而復之機也昔者衛有狄難文公倡之以大

布之衣大帛之冠衛卒以興楚有吳禍子西改紀其政
楚復以強非明徵歟今夫民當怙侈浮靡之時與之言
省嗇也則難民當創深痛巨之後與之言惕勵也則易
傳曰民勞則思思則善心生逸則淫淫則忘善茲邑之
民乃今則其勞而用思之時也誠率之以力本節用敦
行禮讓生聚教訓復往者之盛不難也又况前此邑中
薦紳韋布閨檐士女奮然冒刃引決自完其節義者芬
烈於椒蘭名溢於竹冊聞風倣慕芳規不替他日紀風
俗之美者必舉此邑爲稱首豈但沾沾以豐衍饒樂相

續輯漢陽縣志

序

二

矜也哉

庭楨

吏能淺薄竊謂宰斯邑者圖治之方期與

邦之人日新月盛以還舊觀覽是編而得大要矣宜乎
黃公之以增輯爲汲汲也知漢陽縣事無錫王庭楨序

續輯漢陽縣志序

邑無方志則闕典之最大者而漢陽爲尤急何者當咸豐之初粵逆稱亂四遭淪陷故籍散亡矣幸而收復閱七八年尙未有增輯邑乘之議同治六年令尹黃蘭丞刺史始集邦人士毅然圖續修募貲採訪部署略定延柏心爲之編次而刺史移牧蘄州屬之王子泉令尹相與鳩僇視成閱數月脫稿投之匠氏諸君子謂柏心宜舉其大意揭諸前行則謹序之曰方志記載略與史同然其異者有數端史尙嚴志尙核史褒刺並見志則稱

續輯漢陽縣志

序

一

美不稱惡史舉大遺小志則宏纖具列此其所以異者也且同一志也此邑與彼邑後志與前志又有緩急詳略之不同亦各舉其重大切要者以爲體要而已矣故曰春秋無達辭變文變義不出乎因地審時創例以見意爾就今日漢陽而論則所謂重大切要者安在乎一日自來戰守之迹也一日近歲節義之倫也夫漢陽爲邑幅員雖隘然西與荆襄接直達秦豫燕齊又介居長江上承巴蜀下指吳越南與鄂渚爲唇齒自孫氏兄弟以全力夷黃祖遂與曹氏爲強敵嗣是以後南北交爭

士皆奮躍揮戈抽矢翦刈豺狼舉赤子湯火之中登之
衽席之上其閒攻戰機略轉饒劬勞

繼勛

嚮者攝官承

乏於茲皆所身經而目擊未幾瘡痍者變爲休養凋殘
者變爲生聚閭閻井里漸聞和樂之聲或者以爲平陂
往復運會適然孰知夫治可致亂盛可致衰其變泰爲
否者則逸豫耽樂之釀其禍也亂可返治衰可返盛其
由剝之復者則憂勤惕厲之收其效也凡此具載志中
在反覆推測而得之耳易曰亡者有其存者也危者保
其安者也

繼勛

幸重履舊治竊願與邦之人考前事之

續輯漢陽縣志

序

二

得失日慎一日而益固苞桑也故樂以鄙言贅其末時
同治七年仲秋月代理漢陽府事陽湖伍繼勛序

續輯漢陽縣志

鑒定

署理湖廣總督湖北巡撫郭柏蔭

護理湖北巡撫湖北布政使司布政使何璟

署理湖北布政使司按察使司按察使王文韶

鹽運使銜署理湖北按察使司漢黃德道鄭蘭

鹽運使銜署理漢黃德道漢陽府知府鍾謙鈞

署理漢陽府知府遇缺儘先卽補知府陳建侯

代理漢陽府知府補用直隸州知州伍繼勛

續輯漢陽縣志

主輯

署漢陽縣知縣蘄州知州卽選府黃式度

補用府兼襲雲騎尉世職署漢陽縣知縣王庭楨

同輯

署漢陽縣教諭朱琢章

漢陽縣教諭詹文楷

漢陽縣訓導陞任潛江縣教諭楊高椿

漢陽縣訓導唐祖蔭

總纂

刑部廣西司主事王柏心
分纂

揀選知縣舉人王遠翹

漢陽縣學增廣生員曹禧珍

內閣中書舉人吳傳灝

工部都水司主事舉人張行簡

協輯

候選訓導徐光縉

候選訓導張椿

續輯漢陽縣志

一一

廩生張策經

京山縣教諭廖長亨

同知銜布政司經歷丁賜

生員蕭斯

知州銜直隸州州同路運棠

附貢生燕光輝

候選同知汪家政

同知銜州同聶昌泰

候選訓導楊文銓

安徽補用直隸州蕪湖知縣劉世墀
採訪

候選通判舉人龔嘉成

歲貢生萬鵬

生員龔鵬翥

生員劉漢鏞

生員羅生華

生員張珣

歲貢生廖廷選

續輯漢陽縣志

三

候選訓導歲貢生竇宗惠

生員楊炳

廩生陳錫周

生員劉映青

生員劉應芳

生員馮道薰

生員劉世信

生員吳登賢

廩生吳冠賢

生

員傅午

廩

生焦鴻

增

生葉自榮

生

員蔣立樑

生

員丁榮玠

生

員程學德

生

員倪元龍

生

員李為棻

生

員李遠聞

續輯漢陽縣志

四

生

員汪昶

生

員王道榮

候

選教諭恩貢

生左先甲

中

書銜優附貢

生李榮光

候

選訓導歲貢

生方承楷

校對

生

員劉世堪

生

員石麟

勦辦

知府銜湖南候補同知李棠
四品銜候補六部員外郎葉恩頤

署兩浙江南都轉鹽運使司浙江卽補道馮禮藩

廣西慶遠府知府易蔭芝

浙江中防同知錢塘縣知縣蕭書

江西甯都直隸州知州王士奇

江西靖安縣知縣同知銜陶黼昌

江西南豐縣知縣同知銜柏春

江夏縣學訓導孫紹何

續輯漢陽縣志

五

各紳士

彭殿雲 彭耀祖 胡天福 張永泰 李炳煥

李青蓮堂 彭澤敷 劉正記 文鳳鳴堂 田有年

梁志祥 胡宏昌 羅鑑堂 徐永興 張架純

朱明萬 周必耀 陳元興 劉義茂 閔裕興

張義豐 蕭隆盛祿記 蕭隆盛壽記 生順 向萬隆

蕭翊 鄭紐文 吳延陵堂 簡昌榮 萬源豐

金旭東 周榮昌 方秀章 黃必華 宋復泰

羅賢棟 田繡章 琴鶴山房 歐陽椿 張佩之